



# КАФИСТ

Покрову  
Пресвятой  
Богородицы



## Тропарь и кондак Покрову Пресвятой Богородицы

### *Тропарь, глас 4*

Днесь благовѣрнии людіе/ свѣтло прѣзднуем,/ осеняеми Твоім, Богомати, пришѣствием,/ и к Твоему взирающе пречистому образу, умільно глаголем:/ покрый нас честным Твоім Покровом/ и избави нас от всякаго зла,/ молящи Сына Твоего, Христа Бога нашего,/ спасти души наша.

### *Кондак, глас 3*

Дѣва днесь предстоит в цѣркви/ и с лики святых невидимо за ны молится Богу,/ Ангели со архиереи покланяются,/ апостоли же со пророки ликовствуют:/ нас бо ради молит Богородица Превѣчнаго Бога.





# АКАФИСТ

## Покрову Пресвятой Богородицы

### *Кондак 1*

Избранней Предвѣчным Царѣм, превѣшшей всякаго созданія небесѣ и земли Царѣце, пришѣдшей иногда во Влахѣрнскую цѣрковь на молитву, достойное поклонѣние с благодарѣнием приносяще, яко во тьме сущи, под Твой святящийся омофѣор с вѣрою и умилѣнием прибегаѣм. Ты же, яко имущи державу непобѣдимую, от всяких нас бед свободяи, да зовѣм Ти:

**Радуйся, Радосте наша, покрый нас от всякаго зла честным Твоим омофѣором.**

### **Икос 1**

Архангел и ангел множество, со Предтечею, Богословом и всех святых ликом, сопредсташа Тебѣ, Царѣце своей, в цѣркви Влахѣрнстей и, умилѣнная молѣния Твоя о всем мѣре слышавше, со удивлѣнием возопиша такоя:

Радуйся, Бога Отца безначальнаго предвѣчное благоволеніе; радуйся, Бога Сына безлѣтнаго пречи-





стое вместилище.

Рáдуйся, Бóга Дúха Всесвятáго избрáнное жилище;  
рáдуйся, Гóрних чинóв áнгельских непрестающее  
удивлénие.

Рáдуйся, тёмных сил áдских всегрозное устраше-  
ние; рáдуйся, Юже на воздúсе сретáют многоо-  
чítии Херувíми.

Рáдуйся, Ёйже похвáльная восписúют шестокри-  
лáтии Серафíми; рáдуйся, Еяже преблагóму по-  
крóву и мы, земнорóднии, благодарне поклоняемся.

**Рáдуйся, Рáдосте нáша, покрýй нас от всякаго зла  
честнým Твоým омофóром.**

## *Кондак 2*

Видевше Тя святýй Андрéй со Епифáнием в цёрк-  
ви на воздúсе за христиáны Бóгу молящóюся, позна-  
ша, яко Мáтерь еси вознэсшагося на Нéбо Христá Бóга  
нáшего, и, припадше на зéмлю, рáдостно поклоняхуся  
всеблагóму покрóву Твоемú, зовúще: **Аллилúиа.**

## **Икос 2**

Рáзум неурáзумен еси, Богорóдице Дéво, в защи-  
щёнии людéй правослáвных, сегó рáди вразí нáши не  
познаúют, коль сильнá есть молítва Бóжия Мáтере. Мы





же, о Твоём всемо́щнем заступле́нии до́бре ве́дуще, си́це к Тебе́ со умиле́нием зове́м:

Ра́дуйся, премилосе́рдная Уте́шительнице всех скорбя́щих и обремене́нных; ра́дуйся, неусыпа́ющая Наста́внице всех заблуж́дших и ослепле́нных.

Ра́дуйся, пра́ведно двíжимый гнев Бо́жий на нас Твои́м моле́нием ско́ро утоля́ющая; ра́дуйся, злы́я стра́сти на́ша всемо́щным манове́нием укроща́ющая.

Ра́дуйся, кре́пкое возбу́ждение спя́щих со́вестей; ра́дуйся, нетру́дное преодоле́ние беззако́нных на́выков.

Ра́дуйся, Ея́же ра́ди ад стене́т и ду́си зло́бы трепещу́т; ра́дуйся, Ея́же ра́ди врата́ ра́я всем нам отверза́ются.

**Ра́дуйся, Ра́досте на́ша, покрýй нас от вся́каго зла честны́м Твои́м омофо́ром.**

### *Кондак 3*

Си́ла Вы́шняго осеня́ет с ве́рою и благоговéнием прибега́ющих к Твоему́ всечестно́му покрóву: еди́ней бо то́чию Тебе́, Пресвяте́й и Пречистей Ма́тери Бо́жией, даде́ся, да вся́кое проше́ние Твое́ исполнится. Тем у́бо всяк во́зраст ве́рных славосло́вит Тя и Сы́на Твоего́, зову́ще: Аллилу́иа.





### Икос 3

Имущи богатство милосердия неоскудное, всем концем земли простираеши руку помощи, Владычице: болящим исцеление, страждущим ослабу, слепым прозрение и всем вся по коегождо потребе подаеши, благодарне вопиющим:

Радуйся, Православия несокрушимая крепосте и оградо; радуйся, святых храмов и олтарей первейшее украшение.

Радуйся, благочестия вернейшее ограждение; радуйся, благосердых градоправителей неусыпающая Споспешнице.

Радуйся, непобедимая Воевода вождей и воинств христианских; радуйся, святое зеркало правды судиям немздоприимным.

Радуйся, совершенный разуме наставников и детоводителей; радуйся, благословение домов и семейств благочестивых.

**Радуйся, Радосте наша, покрый нас от всякаго злачестным Твоим омофором.**

### Кондак 4

Бурею многих бед одержимым нам помогаеши, Владычице: стойши бо пред лицом олтаря Господня, воздвигши рuce Твой, и молишися, яко да нашу недостойную молитву призрит Господь, Царь Славы, и





послúшает прошéния призывающих íмя Твое свято́е,  
к Сыну же Твоему́ зовущих: **Аллилу́иа.**

## Икос 4

Услы́ша Господь Бог Иису́са Нави́на, моля́щаяся и повелева́ющая со́лнцу ста́ти, до́ндеже отмсти́т враго́м. Слы́шит и Твоя́ ны́не молéния Господь Иису́с, избра́нная Пала́то Ду́ха Свята́го. Те́мже и мы, грéшнии, на Тво́й наде́ющиеся покрóв, Тебе́, я́ко Бóжией Ма́тери, глаго́лати дерза́ем:

Ра́дуйся, от Со́лнца мýсленнаго озаре́нная и нас свéтом незаходи́мым просвеща́ющая; ра́дуйся, сия́нием пречи́стыя ду́ши Твоея́ всю зéмлю просвети́вшая.

Ра́дуйся, чистото́ю телесе́ Твоего́ вся небеса́ возвесели́вшая; ра́дуйся, святы́х обителей Христо́вых покрóв и снабде́ние.

Ра́дуйся, ве́рных па́стырей Це́ркве бо́дрость и вразумле́ние; ра́дуйся, богобоя́зненных и́нок и и́нокинь Наста́внице.

Ра́дуйся, невозму́щаемое успоко́ение благоговéйных ста́рцев; ра́дуйся, та́йное весéлие чи́стых дев и вдови́ц.

**Ра́дуйся, Ра́досте на́ша, покрýй нас от вся́каго зла честны́м Твои́м омофо́ром.**





## Кондак 5

Боговѣдец Моисѣй во ополчѣнии иногда на Амалѣика, егда рѹце воздвизаше, Израѣиль одолеваше, егда же рѹце низпускаше, тогда Амалѣик побеждаше, поддерживающими же его укреплен, победи врага. Ты же, о Богомати, воздѣвши рѹце Твоѣ на умоленіе, аще и никѣмже поддержима, всегда побеждаеши враги христіанскія и нам щит еси непобѣдим, вопіющим: **Аллилуѣа.**

## Икос 5

Видевше Тя святых соборѣи на воздѹсе в цѣркви Влахѣрнстей молѣбнии рѹце к Сѣну и Бѹгу простиращую, радостно со архангелы и ангелы благодарную Ти песнь воспѣша. Мы же, крепчайшими, паче Моисѣевых рук, дланьма Твоѣма укрепляеми, умѣльно вопіем:

Радуйся, Еяже рѹце поддержит за всех нас единая Ея к нам любви и милосѣрдие; радуйся, пред Нѣюже врази наши, видими и невидими, стояти не мѹгут.

Радуйся, темное полчище страстей и похотей наших прогоняющая; радуйся, Огнь Божественный – Христа неопально на руку Своѣю держащая и нас, хладных, тем воспламеняющая.

Радуйся, воинствующих на плоть целомудрием из-







рядное венчание; радуйся, подвижающихся в постѣ и безмолвii присное собесѣдование.

Радуйся, изнемогающих от уныния и печали скорая Утѣшительнице; радуйся, благодатию смиренiя и терпѣния снабдевающая.

**Радуйся, Радосте наша, покрый нас от всякаго зла честным Твоим омофором.**

### ***Кондак 6***

Проповѣдник неоскудеваемая благодати и милостей Твоих явися святый Роман Сладкопѣвец, егда от Тебѣ во сне прият свѣток книжный на снадѣние: тем убо умудрен, нача разумно пѣти во славу Твою, святым же писати похвальная, взывая с верою: **Аллилуиа.**

### ***Икос 6***

Возсияла еси от истиннаго Солнца правды Заря, Дѣво Богоотроковице, просвещаяющая всех премудростию Бога Сына Твоего и в познание истины приводящая зовущих Ти таковая:

Радуйся, Божью Силу и Божью Премудрость — Христа плотию породившая; радуйся, юродивую мудрость века сего посрамившая и ослепленных ею на путь правый наставляющая.

Радуйся, святых веры охранение и православных догматов Наставнице; радуйся, нечестивых ересей





и тлетворных расколов Искоренительнице.

Радуйся, тайная и неудобь предвиденная вся добре ведущая и имже подобает сказующая; радуйся, живых провидцев и суетная гадания посрамляющая.

Радуйся, в час недоумений мысль благу на сердце полагающая; радуйся, от пагубных начинаний и несмысленных пожеланий воспящающая.

**Радуйся, Радосте наша, покрый нас от всякаго злачестным Твоим омофором.**

### *Кондак 7*

Хотяй долготерпеливый Всевидец Господь явити Своего человеколюбия неизследимую щедрот бездну, избра Тебе едину в Матерь Себе и сотвори Тя людем непреодоленное защищение: да аще кто от них и праведным судом Божиим осуждения достоин явится, Твоим обаче державным покровом сохраняется на покаяние, зовый: **Аллилуиа.**

### **Икос 7**

Дивная показал еси дела Твоя в Пречистой Матери Твоей, Господи, егда пречудный омофор в руке Ея светящийся паче луч солнечных явися, имже покрываше люди, сущия в церкви Влахернстей. О таком





убо знамени милосердаго Ея заступления услышавше, ужасом и радостью одержими, вси глаголаху:

Радуйся, нерукотворенный омофор, аки облак, над всем миром распростершая; радуйся, превечнаго Архирея, Сына Своего, знамение на руке Своей держащая.

Радуйся, новую милость и новую благодать сим в Церкви Православней являющая; радуйся, столпе облачный от искушений и соблазнов мира всех нас покрывающий.

Радуйся, столпе огненный, среди мглы греха всем нам путь спасения показующий; радуйся, явных благочестия подвижников явное укрепление.

Радуйся, тайных среди мира рабов Божиих тайное вразумление; радуйся, и мене, обнаженного добрых дел, не оставляющая Своим покровом и благодатию.

**Радуйся, Радосте наша, покрый нас от всякаго злачестным Твоим омофором.**

### *Кондак 8*

Дивно Тя от Небес во Влахернстей церкви явльшуюся ангели воспеша, апостоли прославиша, лик святителей и преподобных и жен святых сословие восхвалиша, Предтеча с Богословом поклонишася, людие же, сущии в церкви, с веселием вопияху: **Аллилуиа.**





## Икос 8

Все́ми вѣшними и нѣжными влады́чествуя Госпо́дь, узрѣв Тя в це́ркви Ма́терь Свою́ стоя́щу и со умилѣнием к Немú моля́щуся, рече́: «Проси́, Ма́ти Моя́, зане́ не отвращу́ся Тебе́, но испо́лню вся проше́ния Тво́я и благодарственная́ си́це Тебе́ всех пѣти научу́:

Ра́дуйся, Ковче́же Завета́, в нёмже хранится́ освяще́ние всего́ ро́да

челове́ческаго; ра́дуйся, ста́мно пресвята́я, в нейже а́лчущим правды́ блюде́тся Хлеб Жи́зни вѣчныя. Ра́дуйся, сосúде всезлатый, в нёмже угото́вася нас ра́ди плóть и кро́вь Божѣственнаго А́гнца; ра́дуйся, оста́вленных врача́ми на Сво́й всемо́щныя рúце приѣмлю́щая.

Ра́дуйся, разсла́бленных те́лом, но не дúхом и ве́рою, со одра́ болѣзни воздви́зающая; ра́дуйся, погубля́ющим от недúга ум но́вый и лу́чший смýсл подаю́щая.

Ра́дуйся, на стрóпотнем путѣ́ греха́ и страсте́й нас премúдре запи́нающая; ра́дуйся, жесто́кость нераска́яннаго се́рдца на́шего умиля́ющая.

**Ра́дуйся, Ра́досте на́ша, покрýй нас от вся́каго зла́ честным Тво́им омофо́ром.**

## Кондак 9

Все́ естество́ а́нгельское похва́льная прино́сит Тебе́, и́стинней Бо́жией Ма́тери и Засту́пнице всех прите-



кающих к Тебѣ, вѣдуще, яко несокрушимым покровом Твоим праведных возвеселяеши, грѣшных заступаеши, бѣдствующих избавляеши и молишися о всех верных, зовущих: **Аллилуиа.**

## Икос 9

Ветія многовещанная, яко рыбы безгласныя, недоумѣют, како восхвалити по достоянию великий всечестнаго Покрова Твоего праздник: вся бо о Тебѣ от них глаголемая не суть довольна к единому исчисленію щедрот Твоих. Мы же, Твоя неисчетная благодѣянія видяще, с веселием взываем:

Радуйся, от язвы и всегубительства смертнаго нас соблюдающая; радуйся, от внезапнаго колебания земли грады и вѣси сохраняющая.

Радуйся, от разливання вод и потопления рукою крепкою возводящая; радуйся, от запаления огненнаго росю молитв Твоих избавляющая.

Радуйся, от глада душевнаго и телснаго Хлѣбом Жизни снабдевающая; радуйся, удары молнии и грома от главы нашея отводящая.

Радуйся, от нашествія иноплемѣнник и тайных убійц спасающая; радуйся, от домашня брани и вражды единокровных миром и любовію ограждающая.

**Радуйся, Радосте наша, покрый нас от всякаго зла честным Твоим омофором.**





## Кондак 10

Спасти́ хотя́й род челове́ческий от преле́сти вра́жия  
Человеколю́бец Госпо́дь Тебе́, Ма́терь Свою́, дарова́  
земны́м нам в по́мощь, покрóв и защи́ту, да бу́деши пе-  
ча́льным утеше́ние, скорбя́щим ра́дование, оби́димым  
Засту́пница и да всех из глублины́ грехо́вныя воздв́и-  
гнеши, пою́щих: Аллилу́иа.

## Икос 10

«Царю́ Небе́сный, — глаго́лаше в моли́тве на воз-  
ду́се со а́нгелы стоя́щая всенепоро́чная Цари́ца, — при-  
ими́ вся́каго челове́ка, моля́щаяся к Тебе́ и призыва́ющая  
и́мя Моё́ на по́мощь, да не оты́дет от ли́ка Моего́ тощ и  
неуслы́шан». Сию́ всеблагую́ моли́тву слы́шавше, со-  
бо́ри святы́х благода́рне возопи́ша:

Ра́дуйся, чи́стых рука́ми и се́рдцем земледе́льцев  
благослове́нными пло́дами венча́ющая; ра́дуйся,  
по́моще и пра́ведное мздовозда́ние всем пра́во ку́-  
плю де́ющим.

Ра́дуйся, клятвопреступле́ний и непра́ведных стя-  
жа́ний всена́родное обличе́ние; ра́дуйся, бе́дствующим  
в пу́ти, на су́ше и вода́х внеза́пное вспомо́же-  
ние.

Ра́дуйся, безча́дных роди́телей пло́дами ве́ры и  
ду́ха веселя́щая; ра́дуйся, безма́терних сирóт не-  
зри́мая Воспита́тельница.





Ра́дуйся, крѣпкая Засту́пнице сущих в плену́ и изгн́ании; ра́дуйся, неусыпа́ющая Попечи́тельнице во у́зах и темни́це сидящих.

**Ра́дуйся, Ра́досте на́ша, покрый нас от всякаго зла честны́м Твои́м омофо́ром.**

### *Кондак 11*

Пе́ние всеумилѣнное слы́шаще и те́плей Твое́й моли́тве о нас внѣмлюще, про́сим Тебе́, Де́во Богоро́дице, не прѣзри гла́са рабо́в Твои́х: к Тебе́ бо в напáстех и ско́рбех прибега́ем и пред Тобо́ю в беда́х на́ших слѣзы пролива́ем, зову́ще: **Аллилу́иа.**

### **Икос 11**

Я́ко светоприѣмную свещу́, в моли́тве горящую, ви́дящи Тя на возду́се Влахе́рнская це́рковь, согла́сно со мно́жеством люде́й, в ней бѣ́вших, возглаша́ше: «Отку́ду мне си́е, да при́иде Ма́ти Го́спода Моего́ ко мне?». Святы́й же Андре́й со Епифа́нием те́пле моля́хуся к Тебе́, зову́ще:

Ра́дуйся, всех даро́в духо́вных и небѣсных незави́стная Подáтельница; ра́дуйся, полага́ющих нача́ло пока́яния грѣшников ве́рная Предста́тельница.

Ра́дуйся, бо́рющихся со страстьми́ и прило́гами вра́жиими всегда́шняя Спобо́рнице; ра́дуйся,





незрѣмое укрощѣние владык жестоких и зверо-  
нравных.

Радуйся, тайный покое и отрадо рабов кротких и  
страждущих; радуйся, всежеланное совершение  
благих супружеств.

Радуйся, матерей детородящих скорое и безболѣз-  
ненное разрешѣние; радуйся, в час кончины единая  
всем нам Помощнице.

**Радуйся, Радосте наша, покрый нас от всякаго зла  
честным Твоим омофором.**

### *Кондак 12*

Благодать Божественную испроси нам у Сына Тво-  
его и Бога, простри нам руку помощи, отжени от нас  
всякаго врага и супостата и умири нашу жизнь, да не  
погибнем люте без покаяния, но прими нас в вечныя  
кровы, Покровительнице наша, да радующеся Тебе  
зовем: Аллилуиа.

### *Икос 12*

Поюще Твой державный покров, хвалим Тя вси, яко  
твердую Предстательницу нашу, и поклоняемся Тебе,  
о нас молящейся: веруем бо и надеемся, яко испроси-  
ши у Сына Твоего и Бога благая вечная и временная  
всем с любовью вопиющим Тебе сщце:

Радуйся, всей вселенной крепкое заступление; ра-







дуйся, всех стихий земных и небесных освящение.  
Радуйся, всех времён года благословение; радуйся,  
всех наветов и искушений, от мира, плоти и диаво-  
ла находящих, поправление.

Радуйся, нечаемое примирение ожесточённо враж-  
дующих; радуйся, неведомое исправление не-  
раскаянных грешников.

Радуйся, не отвергающая всеми презренных и от-  
верженных; радуйся, самих отчаянных от рова по-  
гибели исхищающая.

**Радуйся, Радосте наша, покрый нас от всякаго зла  
честным Твоим омофором.**

### *Кондак 13*

О Всепетая Мати, Пречистая Госпоже, Дево Бого-  
родице! К Тебе возвожду душевные и телесные очи,  
к Тебе простираю ослабленные руки и из глуби-  
ны сердца вопию: призри на веру и смирение души  
моея, покрый мя всемогущим омофором Твоим, да  
избавлюся от всех бед и напастей, и в час кончины  
моея, о Всеблагая, предстани мне и уготованного  
ради грехов моих избави мучения, да вьну поклоняя-  
ся зову: Аллилуиа.

*(Этот кондак читается трижды)*





## Икос 1

Архангел и ангел множество, со Предтечею, Богословом и всех святых ликом, сопредсташа Тебе, Царице своей, в церкви Влахернстей и, умиленная моления Твоя о всем мире слышавше, со удивлением возопиша таковая:

Радуйся, Бога Отца безначального предвечное благоволение; радуйся, Бога Сына безлетного пречистое местилище.

Радуйся, Бога Духа Всесвятого избранное жилище; радуйся, Горних чинов ангельских непрестающее удивление.

Радуйся, темных сил адских всегрозное устрашение; радуйся, Юже на воздухе сретают многоочити Херувими.

Радуйся, Ейже похвальная восписуют шестокрилатии Серафими; радуйся, Еяже преблагому покрову и мы, земнороднии, благодарне поклоняемся.

**Радуйся, Радосте наша, покрый нас от всякаго злачестным Твоим омофором.**

## Кондак 1

Избранней Предвечным Царем, превышшей всякаго создания небесе и земли Царице, пришедшей иногда во Влахернскую церковь на молитву, достойное поклонение с благодарением приносяще, яко во тьме





сущии, под Твой светящийся омофор с верою и умилением прибегаем. Ты же, яко имущи державу непобедимую, от всяких нас бед свободай, да зовем Ти:

**Радуйся, Радосте наша, покрый нас от всякаго злачестным Твоим омофором.**

## Молитва

О Пресвятая Дѣво, Мати Господа Вышних сил, небесѣ и земли Царице, града и страны наша всемошная Заступнице! Приими хвалѣбно-благодарственное пѣние сие от нас, недостойных раб Твоих, и вознеси молитвы наша ко Престолу Бога Сына Твоего, да милостив будет неправдам нашим, и пробавит благодать Свою чтущим всечестное имя Твое и с верою и любовию поклоняющимся чудотворному образу Твоему. Несмы бо достойни от Него помиловани быти, аще не Ты умилостивиши Его о нас, Владычице, яко вся Тебѣ от Него возможна суть. Сего ради к Тебѣ прибегаем, яко к несомнѣнной и скорей Заступнице нашей: услыши нас, молящихся Тебѣ, осени нас вседержавным покровом Твоим, и испроси у Бога Сына Твоего: пастырем нашим ревность и бдение о душах, градоправителем мудрость и силу, судиям правду и нелицеприятие, наставником разум и смиренномудрие, супругом любовь и согласие, чадом послушание, об-





димым терпение, обидящим страх Божий, скорбящим  
благодущие, радующимся воздержание, всем же нам  
дух разума и благочестия, дух милосердия и кротости,  
дух чистоты и правды. Ей, Госпоже Пресвятая, умило-  
сердися на немощныя люди Твоя; рассеянные собери,  
заблудшия на путь правый настави, старость поддер-  
жи, юныя уцеломудри, младенцы воспитай; и призри  
на всех нас призрением милостиваго Твоего заступле-  
ния, воздвигни нас из глубины греховныя и просвети  
сердечныя очи наша ко зрению спасения, милостива  
нам буди здé и тамо, в стране земнаго пришельствия и  
на Страшнем Суде Сына Твоего; преставльшиися же в  
вере и покаянии от жития сего отцы и братию нашу в  
вечней жизни со ангелы и со всеми святыми жити со-  
твори. Ты бо еси, Госпоже, слава небесных и упование  
земных, Ты по Бозе наша Надежда и Заступница всех  
притекающих к Тебе с верою. К Тебе убо молимся, и  
Тебе, яко Всемогущей Помощнице, сами себе и друг  
друга и весь живот наш предаем, ныне и присно, и во  
веки веков. Аминь.

## Величание

### Покрову Пресвятой Богородицы

Величаем Тя, Пресвятая Дево, и чтим Покров  
Твой честный, Ты бо виде святый Андрей на воздухе, //  
за ны Христу молящуюся.

